

**Oqaaseqaatit nalinginnaasut.**

Inatsisissatut siunnersuummut matumunnga tunngaviuvoq konto 20.11.50-imi FL 2004-mi siunertanut siunnersuummi allaaserineqartunut 3 mio. kruunit immikkoortinneqarsimmata. Siunnersuut manna akuerineqassappat aningaasat taakkua tapiissutitut immikkut kontomut nuunneqassapput.

Siusinnerusukku atuu simagaluarpoo AImmikkut ikiorsiinnermut Aningaasaateqarfik@ siulersuisoqarluni malittarisassaqlunilu.

Kisiannili Inatsisartut Ombudsmandiata isornartorsiorsimavaa Immikkut ikiorsiinnermut Aningaasaateqarfik aqutigalugu tapiissutit aqunneqarnerat. Ombudsmandip isornartorsiorsimavaa Immikkut ikiorsiinnermut Aningaasaateqarfik pisortat nalinginnaasumik aqutsinerannut ilaasussaagaluarluni taamaallaat aqunneqarmat malittarisassatigit maleruagassanik ilalikkut. Taamaattumik Ombudsmandi oqarpoq Namminersornerullutik Oqartussat eqqarsaatigisariaqaraat aningaasaateqarfiup inatsiliornivikkut aqunneqarnissaa. Tamatumani innersuussutigineqarpoq Ombudsmandip 1998-imi nalunaarutaani quppernerit 40-45.

Siunnersuutikkut matumuuna Naalakkersuisut siunertarinngilaat aningaasaateqarfiliornissaq, kisiannili uparuartuineq ilaatigit akueriumallugu ikiorsiisarnermut malittarisassiornissaq.

Inatsisissatut missingersuummut tunngatillugu aperineqarsimapput KNAPK, SPS aamma Kalaallit Forsikring. Oqaaseqaataat inatsisissatut missingersuummut ilanngunneqarsimapput.

Inatsisartut inatsisissaannut siunnersuut oqaaseqaatitaalu pisortanut makkununga tusarniaassutigineqarsimapput. \*-imik nalunaaqutsikkat tusarniaaffigineqaramik akissuteqarsimapput:

\*Ilaqutariinnermut pisortaqlarfik, KNAPK aamma \*SPS.

SPS oqaaseqaatissaqanngilaq. Ilaqutariinnermut pisortaqlarfiup aperineqarluni akissummini ilisimatitsissutigaa ikiorsiissutit siunnersuummi § 1-imi taaneqartut ilaatigit matuneqareersimmata pisortanit ikiorsiissutit pillugit inatsisartut peqqussutaanni nr. 10-mi 1. november 1982-imeersumi § 16-imi. Ikiorsiineq siuliini taaneqartoq ikiorsiinnernit allanit annikinnerummat siunissami malinneqassaaq pisortanit ikiorsiisarneq pillugu inatsisartut peqqussutaanni nr. 10-mi 1. november 1982-imeersumi maleruagassaq, aallarteqqinnissamat tapiissutit qinnuteqartarneq

pisassasoq pisortanit ikiorserneqarneq pillugu inatsisartut peqqussutaanni nr. 10-mi 1. november 1982-imeersumi malittarisassat malillugit.

*Siunnersuutip aningaasatigut allaffissornikkullu kingunissai.*

Inatsisartut 2004-mut aningaasanut inatsisaanni siunertamut 3 mio. kruunit immikkoortinneqarsimapput. Naatsorsuutigisariaqarpoq inatsisartut inatsisaata allaffitsigut aqunneqarneranut kontorfuldmęgtigip ukiup affaanut sulisarnissaa.

## **Inatsisissatut siunnersuummi aalajangersakkanut ataasiakkaanut oqaaseqaatit**

### *§ 1-imut*

Naatsorsuutigineqarpoq inatsisip siunertaa malillugu tapiissutit tunniunneqartassasut. Anguniagaasariaqarpoq qinnuteqartoq maannamut inuussutissarsiutigisimasaminik ingerlatitseqqittuartunngussasoq taamalu pisortanit ikiorsiissutinik assigisaannillu ikiorserneqassaarluni.

Aningaasat ikiorsiissutit/tapiissutit qinnutigineqartorpiat tunniunneqarnerata kingunerissavaa qinnuteqartup inuussutissarsiumminik ingerlatitseqqissinnaanera. Inatsisartut inatsisissaanni periarfissinniarnaqarpoq annaasanut allatut matuneqarsinnaanngitsunut matussusiisarnissaq.

Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinermik ingerlatsisut kikkorpiaaneranunut tunngatillugu taakkua inatsisitigut qanoq paasineqartarnerat sukkulluunniit atuuttoq innersuussutigineqarpoq.

Oqaatigineqassaaq naatsorsuutigineqarmat § 1, imm. 1 oqaasertai malillugit sakkortungaatsiartumik paasineqassasoq. Pissutsit allat inatsisip siunertaata ataniittut § 1, imm. 2 malillugu suliarineqassapput.

§ 1, imm. 1-mut.

Pigisat ajoquserneranni pineqarpoq pigisat aalaakkaasut pigisallu allat ajoqusernerat, uumasuutit ilanngullugit. Atortut AINUUSSUTISSARSIORNERMUT TUNNGASUUNERAT@-nmut aalajangiisussaavoq inuussutissarsiutip ingerlannissaanut atanersut pisariaqarnersullu.

Napparsimanagerup qanoq paasineqarnissaanut apeqqutaavoq nakorsat napparsimaneq qanoq paasisarneraat. Pingaerneruvoq inuup sulisinnaajunnaarsimanagera. Taamaattumik tapiissutininik qinnuteqarnermi nakorsap uppersarsaataa ilanngunneqassaaq. Piumasarineqanngilaq napparsimanagerup qanoq sivisutiginera ilanngunneqassasoq. Pingaernerusoq tassaavoq napparsimanagerup nalaani inuussutissarsiummut tunngatillugu annaasaqarsimaneq napparsimanagerup kingunerisaanik inuutissarsiummut uteqqinnissamut ajornarnerulersitsisoq. Assersuutit ilagaat napparsimalluni uninnganagerup nalaani inuussutissarsiummi atortut aserfallatsaalineqarsinnaasimannnginnerat.

§ 1, imm. 2-mut.

Aalajangersakkami tassani siunertaavoq inatsisartut inatsisaanni aamma ilaassasut pissutsit oqaatsit isumalersorneqarneratigut § 1, imm. 1-miissinnaanngitsut, kisiannili pisut pissuseqataat inatsisip siunertaa malillugu tapiiffiqineqarsinnaasut.

Aalajangersakkami tassani pingaernerutillugit sammineqarput pisut assigiinngitsunut tamanut tunnganagerusut. Pisut tamakkua tassaasinnaapput silaannaap allanngorneri soorlu silaannaap kiannerulerneru assigisaalluunniit aamma ajutoorujussuarfiit soorlu anorersuarneri assigisaalluunniit. Aamma tassaasinnaapput niuernermik tunngaveqarnerusut soorlu aalisakkanit nioqqutissiat, piniakkanit nioqqutissiat nunalerinermillu nioqqutissiat akikillineri.

Tamatuma saniatigut pisut aalajangersimasut imaaliinnaq § 1, imm. 1-imut atanngitsut aalajangersakkamiissinnaapput, takuulli inatsimmi anguniagaq.

§ 1, imm. 2-p atorneqarnera immikkut ittunut tunngatittariaqarpoq, tak. Apissutsit immikkut ittut@. § 1, imm. 2-mi pisartut nalunaarsornerat tamakkiisuunngilaq.

Soqutigisaqaqatigiit kattuffiat susassaartoq tusarniaavigineqassaaq, tak. § 3, imm. 4.

## § 2-mut

Tapiissutit agguannerat naliliinikkut pisassaaq. Pissutsit siunnersuummi § 2, imm. 1-imi taaneqartut tapiissutininik tunniussineru immikkut pingaartinneqassapput.

§ 2, imm. 1.

Oqaaseq Amatusineq@ imatut paasineqassaaq pisoq patsisigalugu aningaasanik tunniussineq.

§ 2, imm. 1 malillugu aamma pisoq pisortanit nammineerluniluunniit sillimaserneqarsinnaassanngilaq. Tapiissutit sillimasiisarnermi unammilleqatigiinnermik equititsuussanngillat, tak. unammilleqatigiinneq pillugu inatsisartut inatsisaat nr. 28 30. oktober 1992-imeersoq. Tamanna imatut paasineqassaaq aallarteqqinnissamut tapiissutit namminersortut sillimmaseeriaasiinut aalajangersimasunut taartaasussatut issanngitsut.

Suulluunniit sillimmasernissaanut apeqqutaavoq annaasaq sillimaserneqarsinnaanersoq namminersortut pisortalluunniit sillimasiutinik tunniussineratigut.

APisortat sillimasiinerat@ tassaanneruvoq sulilluni ajoqusernerup kingunerinut sillimasiisarneq pillugu inatsisip Kalaallit Nunaannut atortuulernera pillugu peqqussut aaqquissuussinerilluunniit taamaaqatai malillugit aningaasanik tunniussineq.

"Namminersortut sillimasiinerat" tassaavoq namminersortunit sillimasiinnermik neqeroortuniit assigisaannilluunniit sillimasiinikkut sullinneqarnerit.

Taamaalilluni inatsisartut inatsisaat tapiissutinut allanut sanilliullugu tulliuvoq. Tamannali atuutinngilaq pisortaniit ikiorsiissutit pillugit peqqussut sukkulluunniit atuuttoq malillugu inuussutissarsiornermi sakkussanik pisinermut tapiissutit.

Qinnuteqartoq kingusinnerusukkut soqutigisamut tassungarpiaq matussutissanik tapiiffigineqarpat tapiissutaasimasut uterteqquneqarsinnaapput § 5 malillugu.

Tapiissutit tunniunneqartassapput naliliineq malillugu aalajangersakkami tunngavissat pingaarnertullugit. Naatsorsuutigisassat allat tassaasinnaapput inuit atugarisaannut tunngasut, takuulli inatsisip siunertaa. Assersuutaasinnaavoq ajoquserneq sillimmasernikkut matuneqarsinnaasimassagaluartoq, kisiannili sillimmasernissamut akiliutissap qaffasippallaarnera patsisigalugu qinnuteqartumut ajornarsimasoq isertitakippallaarneq patsisaalluni. Taamatut pisoqartillugu aallarteqqinnissamut tapiissuteqartoqarsinnaavoq.

### *§ 3-mut*

§ 3, imm. 2-mut.

Naalackersuisut kingusinnerpaamik inatsisip atulernerani suliarissavaat qinnuteqarnissamut immersugassaq inatsimmi matumani suliasat isumannaatsumik suliarisarnissaat pillugu piumasaasunik eqqortitsisoq. Qinnuteqarnermut immersuassami tassani piumasarineqassaaq pissutsit pisariaqartut tamarmik ilisimatitsissutigineqarnissaat. Tamatuma saniatigut piumasarineqartariaqarpoq qinnuteqartup aningaasatigut missingersuusiormigut assigisaasigullu qularnarunnaarsissagaa tapiissutit inatsisartut inatsisaanni anguniakkami

piumasaasunik naammassinnissasut. Qinnuteqarnermi immersugassaq suliat suliarineqarnerannut naleqqussartuarneqarsinnaavoq.

Pissutsinut § 1, imm. 2-mi eqqartorneqartunut immikkut qinnuteqariaasiliortoqarsinnaavoq. § 5 malillugu atorsinnaanissamut piumasaanngilaq innuttaasup utertillugit akileeqqusaasinnaanermik ilisimatinneqarnissaa. Aqutsinermili pissuserissaarnerup ilagaa utertillugit akileeqqusaasinnaanerup ilisimatitsissutigineqarnissaa. Qinnuteqarnermi immersugassaq § 3, imm. 2-mi taaneqartoq aqcutigalugu tamanna pisinnaavoq. § 5, imm. 2, oqaaseqatigiit aappaat malillugu allannguutinik ilisimatitsisussaataaneq qinnuteqartumut ilisimatitsissutigineqassaaq. Tamanna pisinnaavoq qinnuteqarnermi immersugassaq aqcutigalugu.

§ 3, imm. 3-mut.

Paasissutissat inatsisip siunertaa pissutigalugu tassaassapput paasissutissat suliap suliarinissaanut pisariaqartut. Paasissutissat taakkua tassaasinnaapput tammaasamut uppersarsaat soorlu politiinut nalunaarutiginninnikkut. Tassaasinnaapput napparsimanermmut uppersarsaatit nakorsap atsiugai il.il. Naalakkersuisut piumasaasut tamakkua aalajangersassavaat.

§ 3, imm. 4-mut.

Soqutigisaqaqatigiit kattuffiata susassaartup tusarniaaffigineqarnissaanut siunertaavoq qinnuteqaatit suliarineqarneranni suliassamut tunngasutigut siunnersorneqarnissaaq, aqutsisut pisariartissimappassuk. Tusarniaaneq allaffitsigut aqutsisunit pissarsiariniarnera ajornakusoorluinnaraluarpalluunniit tapiissuteqartoqarsinnaavoq. Pissutsinut siunnersuummi § 1, imm. 2-mi § 4, imm. 2-milu taaneqartunut tunngatillugu soqutigisaqaqatigiit kattuffiat tusarniaavigineqassaaq. Maannarpiaq KNAPK inuussutissarsiuutigalugu aalisartunut inuussutissarsiuutigalugulu piniatunut soqutigisaqaqatigiiffittut kattuffiuvoq. SPS nunalerisunut soqutigisaqaqatigiiffittut kattuffiuvoq. Soqutigisaqaqatigiiffiit kattuffii marluusut tusarniaanermi peqataajumasimapput. Taakkunannga tusarnianermmut akissutit pisussaaffiliisuunngillat, tassa tusarniaanermmut akissut allaffitsigut aqutsisunut inatsisitigut pituttuisuunngilaq.

*§ 4-mut*

§ 4, imm. 1-imut.

Inatsisartut inatsisaanni siunertamut tunngatillugu aalajangersakkami anguniagaavoq inuussutissarsiutip ingerlanneranut pisariaqarluinnartumik pisoqartillugu tapiissutit tunniunneqartarnissaat. Taamaattumik annaasanut tapiiffigeqqusanut tapiissutissat minnerpaaffilerneqarsimapput. Tapiissutissat annerpaaffilerneqarnerannut patsisaavoq tapiissutit innuttaasunut sapinngisamik amerlasuunut iluaqutaaniassammata. Aningaasat rekvisitioni atorlugu tunniunneqartassapput.

§ 4, imm. 2.

Taamaakkaluartoq Apissutsini immikkut ittuni@ annerusumik tapiisoqarsinnaavoq. Pissutsit tamakkua immikkut ittuussapput. Pissutsinut immikkut ittunut assersuutaasinnaapput pissutsit § 1, imm. 2-mi ilaasut. Naalakkersuisut aalajangissavaat pissutsit immikkut ittut suussanersut. Soqutigisaqaqatigiit kattuffiat tusarniaavigineqassaaq, tak. § 3, imm. 4.

§ 4, imm. 3.

Aalajangersakkami siunertaavoq inatsisip siunertaanut tunngatillugu tapiissutit tunniunneqartut pitsaanerpaamik iluaqutigineqarnissaata qulakkeernissaa. Tassalu nassuiaatikkut qulakkeerneqassaaq tapiissutit siunertamut atorneqarnerat. Tapiissutinik tunniussinermi erseqqissarneqassaaq nassuiaammut suut piumasarineqarnersut. Naalakkersuisut nassuiaatit tunniunneqarnissaannut piunasaasut piffissarititaasullu aalajangersassavaat. Nalunaartartussaataitaanerup malinneqarnissaa qulakkeerumallugu Naalakkersuisut ilaatigut aalajangersinnaavaat § 5, imm. 1, nr. 2 malillugu utertillugit akiliisoqassasoq nalunaartussaataitaaneq malinneqanngippat.

#### *§ 5-imut*

§ 5, imm. 1.

§ 5, imm. 1, nr. 1 malillugu Naalakkersuisut utertillugit akiliinissaq aalajangersinnaavaat tapiissutit tunngavissaqanngitsumik tiguneqarsimappata. Aalajangersagaq taanna atorneqarsinnaavoq nalunaartussaataitaaneq § 4, imm. 3-mi pequssutasoq inuup eqqortinngippagu.